

Kumtegemea Mungu

Maana pasipo mimi ninyi hamwezi kufanya neno lo lote—**Yohana 15:5.**

Fundisho la kwanza kujifunza ... ni somo la kumtegemea Mungu.... Kama ambavyo maua ya kondeni yanavyokuwa na mizizi yake kwenda ndani ya udongo, kama ambavyo ni lazima yapokee hewa, umande, mvua na jua, vivyo hivyo na sisi lazima tupokee kutoka kwa Mungu kile ambacho kinahudumia uzima wa nafsi.

Uwepo wa Mungu umehakikishwa kwa Mkristo. Mwamba huu wa imani ni uwepo hai kwa Mungu. Yeye aliye mdhaifu mno anaweza kumtumaini. Wale wanaojidhania kuwa imara wanaweza kuwa wadhaifu kabisa isipokuwa kama watamtumaini Yesu kama ufanisi wao na u tahlifu wao. Huu ndio Mwamba ambao juu yake tunaweza kujenga kwa mafanikio. Mungu yu karibu katika dhabihu ya upatanisho ya Kristo, katika maombezi Yake, nguvu Zake za upendo na za utawala mwema kwa kanisa. Akiwa ameketi katika kiti cha enzi cha milele, anawachunga kwa upendo mkubwa. Maadamu washiriki wa kanisa kwa imani watapata matone ya maji na lishe kutoka kwa Yesu Kristo, na sio kutoka kwa mawazo na fikira na mbinu za mwanadamu; kama wakiwa na usadikisho wa ukaribu wa Mungu katika Kristo, wanaweka tumaini lao lote Kwake, watakuwa na muunganiko muhimu na Kristo kama vile tawi linavyounganishwa na shina mama. Kanisa lilianzishwa sio kwa nadharia za wanadamu, kwa mipango na muundo ulioundwa kwa muda mrefu. Linamtegemea Yesu aliye haki yao. Linajengwa juu ya imani katika Kristo, “wala milango ya kuzimu haitalishinda.” ...

Nguvu ya kila nafsi i-katika Mungu na si kwa wanadamu. Utulivu na ujasiri vinapaswa kuwa nguvu ya wote ambao wanaisalimisha mioyo yao kwa Mungu. Kristo hana upendo wa kawaida kwetu bali ni upendo wenye nguvu kuliko wa mama kwa mtoto wake.... mwokozi wetu alitununua kwa mateso na huzuni ya kibinadamu, kwa matukano, kulaumiwa, kufedheheshwa, kudhihakiwa, kukataliwa na mauti. Anakulinda mtoto wa Mungu unayetetemeka. Atakufanya kuwa salama chini ya ulinzi Wake.... Udhaifu wetu katika asili ya kibinadamu hautazuia kumfikia Baba wa mbinguni, kwa maana Yesu alikufa ili kufanya upatanisho kwa ajili yetu.